

Broj: 06-11-94-1/2023-R-9-7
Sarajevo, 14.08.2023. godine

Na osnovu člana 70. st. (1) i (4), a u vezi sa članom 69. stav (2) tačka d) Zakona o javnim nabavkama („Službeni glasnik BiH“, br.: 39/14 i 59/22), sekretar Vlade Federacije Bosne i Hercegovine, **d o n o s i**

O D L U K U
**O PONIŠTENJU POSTUPKA JAVNE NABAVKE ROBA – NABAVKA KANCELARIJSKIH MAŠINA
ZA POTREBE GENERALNOG SEKRETARIJATA
VLADE FEDERACIJE BOSNE I HERCEGOVINE**

I.

Poništava se postupak javne nabavke: Otvoreni postupak za javnu nabavku roba – nabavka kancelarijskih mašina za potrebe Generalnog sekretarijata Vlade Federacije Bosne i Hercegovine, evidencijski broj nabavke: 06-11-94-1/2023-R-9-1, broj Obavještenja o nabavci sa portala javnih nabavki: 854-1-1-60-3-23/23 od 07.07.2023. godine, Sažetak obavještenja o nabavci objavljen u „Službenom glasniku BiH-Oglasnik javne nabavke“, broj: 49/23, s obzirom da nijedna od primljenih ponuda nije prihvatljiva.

II.

Odluka stupa na snagu danom donošenja i objavit će se na web stranici Vlade Federacije Bosne i Hercegovine – Generalnog sekretarijata Vlade Federacije Bosne i Hercegovine u skladu sa članom 70. stav (6) Zakona o javnim nabavkama, istovremeno s upućivanjem iste ponuđačima koji su učestvovali u predmetnom postupku javne nabavke.

O b r a z l o ž e n j e

Postupak nabavke pokrenut je Odlukom o pokretanju postupka javne nabavke, broj: : 06-11-94-1/2023-R-9 od 06.07.2023. godine. Javna nabavka provedena je putem Otvorenog postupka. Ukupna procijenjena vrijednost nabavke iznosila je 35.000,00 KM bez PDV-a.

Obavijest o nabavci, broj: 854-1-1-60-3-23/23 poslana je na objavu 07.07.2023. godine, te je istog dana objavljena na portalu Javnih nabavki. Sažetak obavještenja o nabavci objavljen je u „Službenom glasniku BiH-Oglasnik javne nabavke“, broj: 49/23.

Tendersku dokumentaciju preuzelo je 20 (dvadeset) privrednih subjekata, a 2 (dva) ponuđača su dostavila ponude u predmetnom postupku nabavke.

Ponude su blagovremeno pristigle. U skladu sa provedenim predmetnim postupkom javne nabavke, ponude su dostavili sljedeći ponuđači: „R&S“ d.o.o. Sarajevo i XENON FORTE d.o.o. Sarajevo.

Stalna Komisija za provođenje postupaka javne nabavke roba, usluga i radova, imenovana Rješenjem, broj: 08-30-95/2023 od 22.02.2023. godine, izvršila je pregled i ocjenu ponuda, te konstatovala da nijedna od primljenih ponuda nije prihvatljiva.

Ponuda ponuđača „R&S“ d.o.o. Sarajevo odbačena je iz sljedećih razloga:

- u Aneksu 3 - OBRAZAC ZA CIJENU PONUDE – ROBE (KANCELARIJSKE MAŠINE)

- u tabelarnom prikazu pod rednim brojem 1. SKENER, u rubrici “Tehnička specifikacija”, između ostalog, traženo je: “- Export u formate: DOC, JPEG, PDF, PNG, RTF”.

Pregledom ponude, odnosno tehničke specifikacije, konstatovano da je ponuđač ponudio uređaj Epson Workforce DS-870 + Flatbed conversion Kit. Uvidom u detaljnu tehničku specifikaciju i pregledom web stranice proizvođača opreme Epson konstatovano je da ponuđeni uređaj ne podržava export u formate DOC i RTF.

- u tabelarnom prikazu pod rednim brojem 6. KOLOR MULTIFUNKCIONALNI UREĐAJ A3 u rubrici “Tehnička specifikacija”, između ostalog, traženo je: “- Brzina printanja kolor: minimalno 18 stranica/min”.

Pregledom ponude, odnosno tehničke specifikacije, konstatovano da je ponuđač ponudio uređaj Canon Imagerunner DX C3822i. Uvidom u detaljnu tehničku specifikaciju i pregledom web stranice proizvođača opreme Canon konstatovano je da ponuđeni uređaj podržava brzinu ispisa kolor A3 do 15 stranica/min.

Ponuda ponuđača XENON FORTE d.o.o. Sarajevo odbačena je iz sljedećih razloga:

- u Aneksu 3 - OBRAZAC ZA CIJENU PONUDE – ROBE (KANCELARIJSKE MAŠINE)

- u tabelarnom prikazu pod rednim brojem 4. TELEFAX SA SLUŠALICOM, u rubrici “Tehnička specifikacija”, između ostalog, traženo je: “- Telefonska slušalica: DA, standardna”.

Pregledom ponude, odnosno tehničke specifikacije, konstatovano da je ponuđač ponudio uređaj Kyocera M5526CDN. Uvidom u detaljnu tehničku specifikaciju i pregledom web stranice proizvođača opreme Kyocera Ugovorni organ nije mogao utvrditi da ponuđeni uređaj posjeduje slušalicu.

- u tabelarnom prikazu pod rednim brojem 6. KOLOR MULTIFUNKCIONALNI UREĐAJ A3 u rubrici “Tehnička specifikacija”, između ostalog, traženo je: “- Brzina printanja kolor: minimalno 18 stranica/min”.

Pregledom ponude, odnosno tehničke specifikacije, konstatovano da je ponuđač ponudio uređaj Kyocera ecosys M8124cidn. Uvidom u detaljnu tehničku specifikaciju i pregledom web stranice proizvođača opreme Kyocera konstatovano je da ponuđeni uređaj podržava brzinu ispisa kolor A3 minimalno 12 stranica/min.

Nakon izvršenog pregleda i ocjene ponuda, Komisija je dostavila sekretaru Vlade Federacije Bosne i Hercegovine, Zapisnik o pregledu i ocjeni ponuda, broj: 06-11-94-1/2023-R-9-6 od 11.08.2023. godine i preporuku za donošenje odluke o poništenju postupka.

Uzimajući u obzir naprijed navedeno, a shodno članu 69. stav (2) tačka d) Zakona o javnim nabavkama, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke, svaki od ponuđača koji je učestvovao u postupku nabavke može izjaviti žalbu Uredu za razmatranje žalbi Bosne i Hercegovine putem ugovornog organa – Generalnog sekretarijata Vlade Federacije Bosne i Hercegovine, u pisanoj formi direktno, elektronskim putem ili preporučenom poštanskom pošiljkom, u roku od 10 (deset) dana od dana prijema ove odluke.



Dostaviti:

1. Svim ponuđačima u postupku
2. Komisiji za javne nabavke
3. Sektoru za pravne i opće poslove
4. Sektoru za materijalno-finansijske poslove